

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
26.08.2020թ. կայացված ԱՖ468330 որոշումն անփոփոխ, իսկ վարչական բողոքն առանց
բավարարման թողնելու մասին

<<24>> 09 2020թ. 7-13- 11821

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Միսակ Պողոսյանի ՄԴ/130111-20 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Շիրակի մարզի Գյումրի քաղաքի Պ.Սևակի փողոցի 8/18 տան բնակիչ Միսակ Պողոսյանը
դիմումով խնդրել է բեկանել Ճանապարհային ոստիկանության վարչական իրավախախտման
վերաբերյալ գործով 26.08.2020թ. կայացված ԱՖ468330 որոշումը՝ նշելով, որ համաձայն չէ
որոշմամբ արձանագրված իրավախախտման հետ: Միաժամանակ հեռախոսակապի միջոցով
հայտնել է, որ դիմումին ավելացնելու ոչինչ չունի:

Դիմումի քննարկման արդյունքում պարզվել է, որ վարչական իրավախախտման վերաբերյալ
գործով 26.08.2020թ. կայացված ԱՖ468330 որոշումը ենթակա է կատարման հետևյալ
պատճառաբանությամբ.

Վարչական իրավախախտումների վերաբերյալ ՀՀ օրենսգրքի 126-րդ հոդվածի 1-ին մասի
համաձայն տրանսպորտային միջոցները ոչ սթափ վիճակում վարելը, եթե վարորդը միայն
ալկոհոլի ազդեցության տակ է, և զանցանքը չի պարունակում սույն հոդվածի երկրորդից
հինգերորդ մասերի հատկանիշները՝ առաջացնում է տուգանքի նշանակում՝ սահմանված
նվազագույն աշխատավարձի հարյուրիսնապատիկի չափով: Նույն հոդվածի 9-րդ մասի
համաձայն՝ Սույն օրենսգրքով նախատեսված դեպքում անձը համարվում է ոչ սթափ վիճակում
գտնվող, եթե ստուգմամբ պարզվում է, որ նրա մեկ լիտր արյան մեջ մաքուր ալկոհոլի
պարունակությունը 0.2 գրամից կամ մեկ լիտր արտաշնչած օդի մեջ 0.1 միլիգրամից ավելի է,
կամ եթե անձի արյան կամ մեզի մեջ առկա է թմրամիջոցի կամ հոգեմետ
(հոգեներգործուն) նյութի պարունակություն:

Ուսումնասիրությամբ պարզվել է, որ 19.08.2020թ. ժամը 23:40-ի սահմաններում Գյումրի
քաղաքի Նժդեհի փողոցում Միսակ Պողոսյանի վարած <<MERCEDES-BENZ>> մակնիշի
35TZ948 հաշվառման համարանիշի ավտոմոբիլը կանգնեցվել է Ճանապարհային
ոստիկանության ՃՊԾ 2-րդ սպայական գումարտակի 2-րդ սպայական վաշտի 2-րդ
սպայական դասակի տեսուչներ, ոստիկանության լեյտենանտներ Մ.Հովհաննիսյանի և
Ա.Մարտոյանի կողմից ուժեղացված ծառայության շրջանակներում: Ստուգումից պարզվել է, որ
վարորդն ավտոմոբիլը վարում է ոչ սթափ վիճակում:

Ճանապարհային ոստիկանության ծառայողների կողմից տրված պարզաբանման
համաձայն՝ 19.08.2020թ. ժամը 23:40-ի սահմաններում քաղաքացի Միսակ Պողոսյանի վարած
<<MERCEDES-BENZ>> մակնիշի 35TZ948 հաշվառման համարանիշի ավտոմոբիլը կանգնեցվել
է ուժեղացված ծառայության շրջանակներում: Ստուգումից պարզվել է, որ վարորդն
ավտոմոբիլը վարել է ոչ սթափ վիճակում, ինչը հիմնավորվում է Գյումրու հոգեկան
առողջության կենտրոնում անցկացված վարորդի սթափության վիճակի գննությամբ, որի
արդյունքում պարզվել է, որ վարորդի 1լ արտաշնչած օդի մեջ ալկոհոլի պարունակությունը
կազմում է 0.35 մգ/լ և առողջության կենտրոնի կողմից կազմվել է թիվ 4261
արձանագրությունը, որի հիման վրա ոստիկանության ծառայող Մ.Հովհաննիսյանը կազմել է

61

համապատասխան արձանագրություն, որի մեջ վարորդը նշել է, որ օգտագործել է 100գ. օդի ու վարել մեքենան և 26.08.2020թ.-ին կայացրել է ԱՖ468330 որոշումը: Ոստիկանության ծառայողները նշել են նաև, որ իրենց և վարորդի միջև ծառայողական բնույթի խոսակցություններից բացի այլ խոսակցություններ տեղի չեն ունեցել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 126-րդ հոդվածի 1-ին մասով նախատեսված զանցակազմը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 26.08.2020թ. կայացված ԱՖ468330 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Միսակ Պողոսյանին և Ճանապարհային ոստիկանության ՃՊԾ 2-րդ սպայական գումարտակ:



Ե. Կարապետյան